



1983
1623

Broj: 01-05-23628-37-1/19
Sarajevo, 9.7.2019. godine

SKUPŠTINA KANTONA SARAJEVO

n/r Elmedina Konakovića, Predsjedavajući Skupštine Kantona Sarajevo
-ovdje-

PREDMET: Odgovor na zastupničko pitanje, dostavlja se

Na Desetoj radnoj sjednici Skupštine Kantona Sarajevo, održanoj 24.6.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, zastupnica Bibija Kerla je postavila sljedeće zastupničko pitanje: „Da li resorna ministarstva rade i imaju li godišnji plan upisa mladih u srednje škole i fakultete koji su finansirani iz budžeta, shodno planu potreba za realnom radnom snagom i shodno projektovano potrebnim strukturama u privredi i nadgradnji“?

ODGOVOR

S ciljem planiranja upisa učenika u skladu sa potrebama tržišta rada, osim Zajednice srednjih škola, Ministarstvo ima uspostavljenju kvalitetnu saradnju sa relevantnim institucijama, kao npr. JU „Služba za zapošljavanje Kantona Sarajevo“, Privredna komora Kantona Sarajevo i Udruženje poslodavaca Kantona Sarajevo.

Od navedenih ustanova/institucija, Ministarstvo dobija najnovije podatke koji se odnose na pregled broja registrovanih nezaposlenih lica po zanimanjima i zvanjima, odnosno podatke o potrebama tržišta rada.

Međutim, potrebe poslodavaca i podaci iz JU „Služba za zapošljavanje Kantona Sarajevo“ su u velikom broju slučajeva protivrječni, odnosno potrebe koje iskazuju poslodavci se ne slažu sa radnom snagom koja je na raspolaganju, prema evidencijama JU „Služba za zapošljavanje Kantona Sarajevo“.

I pored navedenih teškoća, Ministarstvo prati potrebe poslodavaca, te se koristimo prilikom da Vas informišemo da su u školskoj 2018/2019. godini odobrene stipendije za 106 učenika, koji su se upisali u prvi razred srednje škole na deficitarna zanimanja trećeg stepena. Odlukom o stipendiranju planirane stipendije za učenika u iznosu od po 1.000 KM za ukupno 18 deficitarnih zanimanja, te su izdvojena sredstva u iznosu od 106.000 KM.



Za školsku 2019/2020. godinu Ministarstvo za obrazovanje, nauku i mlade je predvidjelo sredstva za dodjelu stipendija za deficitarna zanimanja učenicima koji se upisuju u prvi razred srednjih stručnih škola (škole u trogodišnjem trajanju). Stipendije su obezbijedene za 11 srednjih škola, te očekujemo da će i iznos stipendije po jednom učeniku biti približan prošlogodišnjem iznosu.

U školskoj 2018/2019. godini, Ministarstvo je, prvi put, raspisalo javni poziv za dodjelu stipendija za talentovane/nadarene učenike, koji se upisuju u prvi razred gimnazije.

Na ovaj način je 9 učenika dobilo stipendije u iznosu od po 2.000,00 KM po učeniku, što ukupno iznosi 18.000,00 KM. I za školsku 2019/2020. godinu Ministarstvo za obrazovanje, nauku i mlade je predvidjelo sredstva za dodjelu stipendija za ovu kategoriju učenika, a iznos stipendije će ovisiti od broja učenika koji budu ispunjavali sve uslove iz kriterija za dodjelu stipendija, uz napomenu da je Ministarstvo predvidjelo da od školske 2019/2020. godine, aplicirati mogu učenici iz svih srednjih škola, kao javnih ustanova, a ne samo iz gimnazija, što je bio jedan od kriterija za dodjelu stipendija u prethodnoj školskoj 2018/2019. godini.

Jedan od najvažnijih kriterija za dodjelu ove stipendije su osvojene nagrade na kantonalnim, državnim i međunarodnim takmičenjima iz predmeta Matematika, Informatika i Fizika, jer i na ovaj način želimo podsticati interes učenika za prirodne nauke i informacione tehnologije, koje su također tražene na tržištu rada.

U oblasti visokog obrazovanja Univerzitet u Sarajevu u postupku dostavljanja Plana upisa studenata u prvu studijsku godinu redovno ostvaruje saradnju sa JU Služba za zapošljavanje Kantona Sarajevo i obrađuje podatke o broju i profilu lica koja posjeduju visoku stručnu spremu, a koja su evidentirana kao nezaposlena lica. Na osnovu takvih podataka Senat Univerziteta u Sarajevu utvrđuje prijedlog plana upisa i isti, u skladu sa procedurom propisanom Zakonom o visokom obrazovanju, dostavlja na usvajanje Vladi Kantona Sarajevo.

S poštovanjem,



Dostaviti:

- Naslovu,
- Stručna služba Vlade Kantona Sarajevo,
- a/a.



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

